

Chattà in cumpromiss per il rumantsch

■ (mc) Cunsrients che suletta-
main in'opiniun unanima da la
Gruppa rumantscha dal cussegl
grond pertutgand la pusiziun dal
rumantsch en la nova constitu-
ziun chantunala po avair success
èn deputadas e deputads ru-
mantschs s'unids en lur sesida da
glindesdi saira ad in cumpromiss.
Sin insistenza dals Rumantschs èn
tant regenza sco subcumissiun da
la costituziun la finala stadas
prontas d'acceptar la formulaziun
che tudestg, retorumsch e ta-
lian èn las linguas uffizialas dal
chantun, punctuond expressiva-
main che ils linguatgs chantunals
hajan ils medems dretgs. D'ac-
cord è la Gruppa rumantscha er
cun la proposta da la regenza che
sa cloma: «Il chantun e las visch-
nancas prendan e sustegnan mesi-
ras necessarias per mantegnair e
promover la lingua retoruman-
tscha e taliana. Els promovan la
chapientscha ed il barat tranter las
cuminanzas linguisticas.» La
gruppa renunzia dentant a la pro-
posta d'applitgar in princip da
territorialitad strict dictà dal
chantun e s'accorda unanima-
main cun il cumpromiss che las
vischnancas ed ils circuls determi-
neschan lur linguas uffizialas e da
scola en il rom da lur cumpeten-
zas ed en collavuraziun cun il
chantun.